



土岐文庫

文庫17

W77

10



15

20

25

文庫 17
W. 77
10

010185193980

昭和六十年二月一日
土岐孝吉磨氏
寄贈

重訂唐詩別裁集卷十九

長洲沈德潛歸愚選

文宗皇帝

宮中頌太和元年殺王凝卿注後

獨語左右莫敢進囚賦此

葦路生秋草上林花滿枝憑高何限意無

復侍臣知

虞世南

唐詩別裁集 卷十九



亮司

月言身表一
詠蟬

垂綫飲清露，流響出疎桐。居高聲自遠，非是藉秋風。
詠蟬者每詠其聲，此獨尊其品格。

王勃

江亭月夜送別

江送巴南水，山橫塞北雲。津亭秋夜月，誰

見泣離羣。
意雖未深，却為正酸之始。

盧照隣

曲池荷

浮香繞曲池，圓影覆華池。常恐秋風早，飄零君不知。
言外有抱才不遇，早言零落之感。

韋承慶

南行別弟

萬里人南去，三春鴈北飛。未知何歲月，得與爾同歸。
此種最是難到，此種最是難到。

宋之問

重訂唐詩別裁

送杜審言

卧病人事絕。嗟君萬里行。河橋不相送。江樹遠含情。

渡漢江

嶺外音書斷。經冬復歷春。近鄉情更怯。不敢問來人。
即老杜反畏消息。來寸心亦何有意。

張說

蜀道後期

客心爭日月。來住預期程。秋風不相待。先到洛陽城。
以秋風先到形出已。之後期巧心。落矣。

蘇頌

汾上驚秋

北風吹白雲。萬里渡河汾。心緒逢搖落。秋聲不可聞。

將赴益州題小園壁

歲窮將益老。春至卻辭家。可惜東園樹。無

人也作花。

張九齡

自君之出矣

自出之出矣。不復理殘機。思君如滿月。夜

直減清輝。巧思全在滿字生出

照鏡見白髮

宿昔青雲志。蹉跎白髮年。誰知明鏡裡。形

影自相憐。曲江抱伯仲伊呂之志而今其蹉跎以老唐室所以衰也

得任用匪人之意

王

軍

適

適幽州人武后時糊名考選入第二等官至雍州司功參

江上梅

忽見寒梅樹。花開漢水濱。不知春色早。疑是弄珠人。

盧

僎

中宗時人自開喜尉人為學士終吏部員外郎

南樓望

重訂唐詩別裁

卷十九

四

去國三巴遠。登樓萬里春。傷心江上客。不是故鄉人。

崔國輔

魏宮詞

朝日照紅粧。擬上銅雀臺。畫眉猶未了。魏帝使人催。魏帝指曹丕。見父死而彭殲德也。卞后顯言之。此詩婉言之。

怨詞

妾有羅衣裳。秦王在時作為舞。春風多秋

來不堪著。

崔曙

雨中送客

別愁復兼雨。別淚還如霰。寄言海上雲。千里長相見。

崔顥

長干曲二首

長干里在
上元縣

君家住何處。妾住在橫塘。停舟暫借問。或

重刊詩話

恐是同鄉不必作桑濮看○橫塘在應天府近長干

家臨九江水來去九江側同是長干人生

小不相識此答前問詞

儲光羲

江南曲

日暮長江裏相邀歸渡頭落花如有意來去逐船流艷而不夫

王維

臨高臺送黎拾遺古樂府有臨高臺曲

相送臨高臺川原杳無極日暮飛鳥還行

人去不息寫離情能不露情態

鳥鳴澗

人間桂花落夜靜春山空月出驚山鳥時

鳴春澗中諸味聲息臭味迥出常格之外任後人摹仿不到其故難知

鷓鴣堰

乍向江蓮沒復出青蒲颺獨立何襟袵銜

魚古杏上

孟城坳

新家孟城口。古木餘衰柳。來者復為誰。空悲昔人有。
言後我而來者不知何人又何必悲昔人之所有即達人每作

是想

鹿柴

空山不見人。但聞人語響。返景入深林。復照青苔上。

佳處不在語言與陶公采藥東籬下悠然見南山同

竹里館

獨坐幽篁裏。彈琴復長嘯。深林人不知。明月來相照。

月來相照

辛夸搗

木末芙蓉花。山中發紅萼。澗戶寂無人。紛紛開且落。

幽極寸借用楚詞西顏色相似也

山中送別

山中相送罷。日暮掩柴扉。春草年年綠。玉

重訂唐詩別裁 卷之九
孫歸不歸

雜咏

已見寒梅發，復聞啼鳥聲。
心心視春艸，畏向玉階生。
君自故鄉來，應知故鄉事。
來日綺窓前，寒梅著花未。

答裴迪

綠嶽寒流廣，蒼蒼秋雨晦。
君問終南山，心

和白雪外

息夫人 寧王取賣餅者妻問曰汝憶斷師否默默不對維時

在坐即席吟詩王因還之

莫以今時寵，難忘舊日恩。
看花滿眼淚，不共楚王言。

相思子

紅豆生南國，春來發幾枝。
勸君休採擷，此物最相思。

重訂唐詩別裁 卷之九

田園樂 六言不能更列
一札附五言後

采菱渡頭風急策杖林西日斜杏樹壇邊
漁父桃花源裏人家

山下孤煙遠却天邊獨樹高元一瓢顏
陋巷五柳先生對門

桃紅復台宿雨柳綠更帶朝煙花落家
未掃鳥啼山客猶眠

孟浩然

宿建德江

移舟泊煙渚日暮客愁新野曠天低樹江
清月近人 下半寫景而
客愁日見

祖詠

望終南殘雪

紀事云有可以此題
試士詠成四句的於

有司問之曰
意盡而止

終南陰嶺秀積雪浮雲端林表明霽色城
中增暮寒

王昌齡

題僧房

棕櫚花滿院。苔蘚入閒房。彼此各言絕。空中聞異香。

朝來曲

日昃鳴珂動。花連繡戶春。盤龍玉臺鏡。唯待畫眉人。

高適

哭單父梁少府

開篋淚沾臆。君前日晝夜。臺猶寂寞疑。是子雲居。

岑參

見渭水思秦川

渭水東流去。何時到雍州。憑添兩行淚。寄向故園流。

題平陽郡汾橋邊柳樹

此地曾居住。今來宛似歸。可憐汾上柳。相見也依依。

九日思長安故園

強欲登高去。無人送酒來。遙憐故園菊。應傍戰場開。可悲在戰

王之渙

之渙并州人兄之咸之賁皆能詩之渙與王昌齡高適倡

和名重於時

登鸛雀樓

白日依山盡。黃河入海流。欲窮千里目。更上一層樓。四語皆對讀去不嫌其排骨高故也

送別

楊柳東門樹。青青夾岸河。近來攀折苦。應為別離多。

邱為

左掖梨花

此亦奉詔作

冷艷全欺雪。餘香乍入衣。春風且莫定。吹

向玉階飛。

李

華

字遐叔趙郡人開元二十三年進士天寶二年博學宏詞

奉寄彭城公

公子三千客人人願報恩應憐抱關者貧
病老舍門。

詩童

吳叢子夜歌

淨掃黃金階。飛霜皎如雪。下簾彈空篋。不
忍見秋月。

李白

玉階怨

玉階生白露。夜久侵羅襪。却下水精簾。玲
瓏望秋月。妙在不
明說怨

夜思

重訂唐詩別裁卷之六
三
休前明月光。疑是地上霜。舉頭望山月。低頭思故鄉。旅中情思雖說。却不说書。

敬亭獨坐

衆鳥高飛盡。孤雲去獨閒。相看兩不厭。只有敬亭山。傳獨坐之神。與前一首同。

青溪半夜聞笛

羌笛梅花引。吳溪隴水清。寒山秋浦月。腸斷五閔情。

勞勞亭

古送別之所。在江寧果南。

天下傷心處。勞勞送客亭。春風知別苦。不遣柳條青。

杜甫

復愁

萬國尚防寇。故園今若何。昔歸相識少。早已戰場多。先言今。追言昔。早已二字無限傷情。

歸鴈

春來萬里客。亂定幾年歸。腸斷江城雁。高向北飛。

八陣圖

在魚復平沙之上。陣勢有天地風雲龍虎鳥蛇也。

功蓋三分國。名成八陣圖。江流石不轉。遺

恨失吞吳。

吳蜀唇齒不應相讐。失吞吳失於吞吳。非謂恨未曾吞吳也。

隆中初見時已云東連孫權。壯拒曹操矣。

劉長卿

逢雪宿芙蓉山

日暮蒼山遠。天寒白屋貧。柴門聞犬吠。風

雪夜歸人。

送上人

孤雲將野鶴。豈向人間住。莫買沃洲山。時

人已知處。

有三宿子下已嫌其遲。意蓋諷之也。

送靈澈上人

蒼蒼竹林寺。杳杳鐘聲晚。荷笠帶斜陽。青

山獨歸遠。

錢起

江行無題

咫尺愁風雨。匡廬不可登。祇疑雲霧裏。猶有六朝僧。

逢俠者

燕趙悲歌士。相逢劇孟家。寸心言不盡。前路日將斜。

韋應物

宿永陽寄璨師

遙知郡齋在。凍雪封松竹。時有山僧來。懸燈獨自宿。

秋夜寄邱員外

懷君屬秋夜。在散步詠涼天。山空松子落。幽人應未眠。幽絕

登樓

茲樓日登眺。流歲暗蹉跎。坐厭淮南守。秋

山紅樹多

聞鴈

故園渺何處歸思方悠哉淮南秋雨但高齋聞鴈來歸思後說聞雁其情自深一倒轉說則近人能之矣

劉方平

長信宮

夢裏君王近宮中河漢高秋風能再熱團扇不辭勞翻用古意見其敦厚

采蓮曲

落日清江裏荆歌艷楚腰采蓮從小慣十五即乘朝

春雪

飛雪帶春風徘徊亂繞空君看似花處偏在洛城中天寒風雪獨宜於高貴之家卻說求蘊藉

暢當當河東人初從軍大歷中成進士官果州刺史

登鸛雀樓

迥臨飛鳥上。高出世塵間。天勢圍平野。河

流入斷山。不減王

耿漳漳河東人寶應中進士官左拾遺

秋日

返照入閭巷。憂來誰與語。古道無人行。秋風動禾黍。

顧况

憶舊遊

悠悠南國思。夜向江南泊。楚客斷腸時。月明楓子落。

盧綸

塞下曲二首

林暗州檣風。將軍夜引弓。平明尋白羽。沒在石稜中。

月里鴈飛高。單于遠遁逃。欲將輕騎逐。大雪滿弓刀。雄健

李丁君詩刊

七

贈李果毅

向日磨金鏃。當風著錦衣。上城邀賊語。走馬截鵬飛。

李端

聽箏

鳴箏金粟柱。素手玉房前。欲得周郎顧。時時誤拂絃。吳絃。肩謂因病致妍語妙。

拜新月

開簾見新月。即便下階拜。細語人不聞。北風吹裙帶。對月訴情人自不聞語也。近子夜歌。

溪行遇雨寄柳中庸

日落眾山昏。瀟瀟風雨繁。那堪兩處宿。共聽一聲猿。

皇甫曾

送王司直

西塞雲山遠。東風道路長。湖水過。陽。人心勝潮水。相

送遇潯陽

淮口寄趙貞外

欲逐淮潮上。暫停魚子漣。相望知不見。終是屢回頭。

司空曙

金陵懷古

輦路江楓暗。宮庭野艸春。傷心處。開府老。作。壯。朝。臣。庾信聘於北周。遂留之。官開府儀同三司。時陳氏通好。南朝之

士各還故國。而周獨不遣信。比哀江南賦。所以作也。

送盧秦卿

知有前期在。難分此夜中。無將故人酒。不及石尤風。石尤風打頭。逆風。宋武帝詩。願作石尤風。因而斷行旅。送人時

致留人意

金昌緒 臨安人

春怨 一作無名氏伊州歌

打起黃鸝兒。莫教枝上啼。啼時驚妾夢。不

得到滄西。語音一何脆。一氣蟬。而

柳淡。字中庸。京兆人。官洪府戶曹。

江行

繁陰乍隱洲。落葉初飛浦。蕭蕭楚客帆。暮入寒江雨。

李益

鷓鴣詞

湘江斑竹枝。錦翅鷓鴣飛。處處湘雲合。郎

從何處歸。

戴叔倫

題三閭大夫廟

沅湘流不盡。屈子怨何深。日暮秋風起。蕭蕭楓樹林。憂愁幽思。筆端緣繞。屈子之怨。豈沅湘所能流去。即發端妙。

維字正文。山陰人。至德中擢辭藻宏麗科。官終秘書郎。

送人往金華

明月雙溪水。清風八詠樓。少年為客處。今

日送君遊

朱

字長通襄州人貞元
放中名為拾遺不就

題竹林寺

歲月人間促烟霞此地多
殷勤竹林寺更得幾回過

權德輿

領上逢久別者又別

十年曾一別征旆此相逢
馬首向何處久

陽千萬峰

柳宗元

長沙驛

海鶴一為別存亡三十秋
今來數行淚獨

上驛南樓

入黃溪聞猿

溪路千里曲哀猿何處鳴
孤臣淚已盡虛作斷腸聲

翻出新
意愈苦

春懷故園

九扈鳴已晚楚鄉農事春悠悠故池水空待灌園人

江雪

千山鳥飛絕萬徑人蹤滅孤舟蓑笠翁獨釣寒江雪清時已絕王阮亭尚書獨與此詩何也

劉禹錫

經檀道濟故壘

萬里長城壞荒營野州秋秣陵多士女猶唱白符鳩當時人曰歌可憐白符鳩在殺檀江州見南史

視刁環

常恨言語淺不如人意深今朝兩相視脈脈萬重心着意視字

秋風引

何處秋風至蕭蕭送鴈羣朝來入庭樹孤容最先聞若說不堪聞使淺

孟郊

古別離

欲別牽郎衣郎今向何處不恨歸來遲莫
向臨叩去

賈島

尋隱者不遇

松下問童子言師採藥去只在此山中雲
深不知處

王建

新嫁娘

三日入厨下洗手作羹湯未諳姑食性先
遣小姑嘗詩到真處一字不可移易

行宮一作元稹詩

寥落古行宮宮花寂寞紅白頭宮女在閒
坐說元宗說元宗不說元宗長短佳絕只四語已抵一篇長恨歌矣

王涯字廣津太原人貞元中進士舉宏詞為翰林學士元和中

知制誥為相尋出鎮文宗立復為相甘露之變為宦官仇士良族誅

閨人贈遠四首

花明綺陌春柳拂御溝新為報遼陽客流
光不待人

鸞啼綠樹深燕語雕梁晚不省出門行沙

場知遠近閨人不省出門而夢中時到沙場若知其遠近者然如云不省

出門焉知沙場之近遠意味便薄

遠戍功名薄幽閨年貌傷妝成對春樹不

語淚千行

形影一朝別煙波千里分君看望君處祇
是起行雲

張仲素字續之河間人官司勳員外郎與王涯令狐楚同為舍人

同長五七言絕句編三舍人集

春閨思

裊裊城邊柳青青陌上桑提籠忘采菜昨

夜夢漁陽揚用修謂從卷耳首章翻出

李賀

馬詩

催榜渡烏江。神駢泣向風。君王今解劍。何

處逐英雄。項羽雖以馬贈亭長。然羽既刎

中此首實一得神駿

張祐

宮詞

故國三千里。深宮二十年。一聲何滿子。雙

淚落君前。

樂府雜錄云何滿子開元中歌者臨刑歌樂府以贖死竟不得

免曲郎名何滿子。文宗時宮人

先何翹為帝舞此曲亦舞曲也

令狐楚字愨士德蔡之後成進上累

宗逐李紳楚自宣武節

受使天平入為左僕射

胡風千里上。漢月五更明。縱有還家夢。猶

聞出塞聲。

楊凝

二十五

柳絮

河畔多楊柳。追遊盡狹邪。春風一。回送亂。入莫愁家。

施肩吾 字希聖。睦州人。元和。中進士。慕仙跡。隱豫章西山。

湘竹詞

萬古湘江竹。無窮奈怨何。年年長春筍。只是淚痕多。

幼女詞

幼女纔六歲。未知巧與拙。向在堂前學。人拜新。月。是幼女與細語人。不聞情事各別。

雍陶

送陳標

滿酌勸僮僕。好隨郎馬蹄。春風慎行李。莫上白銅鞮。

杜牧

江樓

獨酌芳春酒。登樓已半曛。誰驚一行雁。衝斷過江雲。

李商隱

嘲桃

無賴天桃面。平明露井東。春風為開子。却擬笑春風。似為負恩人寫照

登樂遊原

向晚意不適。驅車登古原。夕陽無好色。

是近黃昏

許渾

塞下曲

夜戰桑乾雪。秦兵半不歸。朝來有鄉信。猶自寄寒衣。可與陳陶隴西行相証

于武陵

勸酒

勸君金屈卮。滿酌不須辭。花發多風雨。人

生足別離。

趙嘏

寒塘

曉髮梳臨水寒塘坐見秋
知心正無暇一

雁過南樓

崔道融

班婕妤

龍極辭同輦恩深棄後宮
自題秋扇後不

敢怨春風

沈如筠 德宗時進士

閨怨

雁盡書難寄愁多夢不成
願隨孤月影流

照伏波營 與可憐閨裏月偏照漢家營同妙

雍裕之 未詳

江上聞猿

楓岸月斜明猿啼旅夢驚
愁多腸易斷不

待第三聲。

荆叔未詳

題慈恩寺塔

漢國山河在秦陵草木深暮雲千里色無

處不傷心暗台少陵春望絕法

七歲女子以下閨中及無名氏詩

送兄如意中有七歲女子能詩武后命賦別兄應聲而成云

別路雲初起離亭葉正飛所嗟人異處不

作一行歸

王韞秀元載妻也載為相后媿此婦人

偕夫遊秦

路掃饑寒迹天哀志氣人休零別離淚攜

手入西秦作丈夫語

宮人韓氏

題紅葉

流水何太急深宮盡日閒殷勤謝紅葉好

去到人間舊宗時于祐少禁衛得紅葉討亦題一葉云曾聞葉上題紅葉怨

葉上題詩寄阿誰後娶官人韓氏見葉驚曰此妾所作妾于水中亦得一葉驗

合之相

張文姬鮑參軍妻

沙上鷺

沙頭一水禽。鼓翼揚清音。只待高風使。非無雲漢心。

溪口雲

溶溶溪口雲。纔向溪中吐。不復歸溪中。還作溪中雨。音節竟是古詩

安邑坊女子

幽恨詩

卜得上峽日。秋江風浪多。江陵一夜雨。腸斷木蘭歌。

劉采春

囉噴曲三首

不喜秦淮水生憎江上船載兒夫婿去經

歲又經年不喜生憎經歲經年重複可笑的是兒女子口角

那年離別日只道住桐廬桐廬人不見今

得廣州書言無定踪也

莫作商人婦金釵當卜錢朝朝江上望錯

認幾人船

薛濤

高駢席上作

聞說遠城苦如今到始知好將筵上曲唱與龐頭兒

西部人

哥舒歌

北斗七星高哥舒夜帶刀至今窺牧馬不敢過臨洮與敕勒歌同是天竺不可以工拙求之

太上隱者

答人

偶來松樹下高枕石頭眠山中無歷日寒
盡不知年語有太古風

七言絕句

王勃

九日登高

勃既廢客劍南時作

九月九日望鄉臺他席他鄉送客杯人今

已厭南中苦鴻雁那從壯地來似對不對初唐標格

不得認作律詩之半

杜審言

贈蘇書記

知君書記本翩翩為許從戎赴朔邊紅粉

樓中應計日燕支山下莫經年燕支紅行零見欲帶

渡湘江

此道題峰州而作

遲日園林悲昔遊今春花鳥作邊愁獨憐

京國人南風不似湘江水北流北人南風歸日無期

惟湘流向社為可羨也

唐詩小

卷九

三十一

張說

送梁六

巴陵一望洞庭秋。日見孤峰水上浮。聞道神仙不可接。心隨湖水共悠悠。比洞庭為神仙窟宅

然身不至。惟送人之心與湖水俱遠耳。

張敬忠 開元中平 盧節度使

邊詞

五原春色舊來遲。二月垂楊未挂絲。聞今

河畔冰開日。正是長安花落時。

王翰

涼州詞

蒲桃美酒夜光杯。欲飲琵琶馬上催。醉臥沙場君莫笑。古來征戰幾人回。故作豪飲之詞。然吏

成已極。揚仲引論。第句以第三句為主。而第四句發之。盛唐多與此合。

王維

送元二使安西

渭城朝雨浥輕塵。客舍青青柳色新。

三三

渭城朝雨裊輕塵。客舍青青柳色新。勸君更盡一杯酒。西出陽關無故人。

者笛為之到。陽關在中國外安而更在陽關外言陽關已無故人矣况安西乎此意須微參

少年行

新豐美酒斗十千。咸陽沽酒飲少年。相逢意氣為君飲。繫馬高樓垂柳邊。

九月九日憶山東兄弟

獨在異鄉為異客。每逢佳節倍思親。遙知兄弟登高處。遍插茱萸少一人。

人不近三百篇耶

送沈子福之江東

楊柳渡頭行客稀。罟師蕩槳向臨圻。唯君相思似春色。江南江北送君歸。

之心猶春光也

孟浩然

送杜十四之江南

荆吳相接水為鄉。君去春江正淼茫。日暮孤帆泊何處。天涯一望斷人腸。

王之渙

涼州詞

黃河遠上白雲間。一片孤城萬仞山。羌笛何須怨楊柳。春光不度玉門關。集異記云

昌齡高適共詣旗亭看梨園伶官十人會飲三人拂墀以觀俄有妙妓四輩奏

樂皆當時名部三人私相身曰我輩各
擅詩名不定甲乙今諸伶所詠以詩多
者為優初詠昌齡詩次詠適詩又次詠
復昌齡詩之渙指諸妓中最佳者曰待
此子時唱如非我詩終身避席矣次至
雙鬟發散果詠黃河遠上云云因大諧
笑諸伶諸門因語之乃競拜乞就筵席
●季干麟推王昌齡秦時明月為壁卷
王元美推王翰葡萄美酒為壁卷王漁
洋則云必求壁卷王維之謂城李白之
白帝王昌齡之奉帚平明王之渙之黃
河遠上其庶幾乎而終唐之世絕句亦
無出四章之右者矣愚謂李益之四景
峰前劉禹錫之山園故國杜牧之烟籠
寒水鄭谷之揚子江頭
氣象雖殊亦堪接武

言唐詩另表 卷九 三四

常建

塞下曲

玉帛朝。回望帝鄉。烏孫歸去不稱王。天涯
靜處無征戰。兵氣銷為日月光。吐光亦

三日尋李九莊

雨歇楊林東渡頭。永和三日蕩輕舟。故人
家在桃花岸。直到門前溪水流。

高適

除夜

旅館寒燈獨不眠。客心何事轉凄然。故鄉
今夜思千里。霜鬢明朝又一年。作思鄉親友思千里

外人愈
有意味

營州歌

營州少年畧原野。狐裘蒙茸獵城下。虜酒
千鍾不醉人。胡兒十歲能騎馬。

別董大

千里黃雲白日曛。北風吹雁雪紛紛。莫愁前路無知己。天下何人不識君。

岑參 嘉州邊塞詩 尤為獨步

酒泉太守席上醉後歌

酒泉太守能劍舞。高堂置酒夜擊鼓。胡笳一曲斷人腸。座上相看淚如雨。

武威送劉判官赴磧西行軍

火山五月行人少。看君馬去疾如鳥。都護

行營太白西角聲一動胡天曉。

赴北庭度龍思家

西向輪臺萬里餘。也知鄉信日應疎。隴山鸚鵡能言語。為報家人數寄書。欲鸚鵡報家又寄書

思曲 而苦

磧中作

走馬西來欲到天。辭家見月兩回圓。今夜不知何處宿。平沙萬里絕人煙。投宿無所 則磧中無

人可知矣

號州後亭送李判官

西原驛路挂城頭。客散江亭雨未休。君去試看汾水上。白雲猶似漢時秋。

山房春事

梁園日暮亂飛鴉。極目蕭條三兩家。庭樹不知人去盡。春來還發舊時花。
後人襲用者多然嘉

絕調 到寔券

逢入京使

故園東望路漫漫。雙袖龍鍾淚不乾。馬上相逢無紙筆。憑君傳語報平安。
人又胸臆中語却成

絕唱

封大夫破播仙凱歌
名常清

漢將承恩西破武。捷書先奏未央宮。天子預開麟閣待。祇今誰數貳師功。
日落鞞門鼓角鳴。千羣面縛出蕃城。洗兵

魚海雲迎陣。秣馬龍堆。月照營。

賈至

送李侍郎赴常州

雪晴雲散北風寒。楚水吳山道路難。今日送君須盡醉。明朝相憶路漫漫。

西亭春望

日長風煖柳青青。北雁歸飛入窅冥。樓上聞吹笛。能使春心滿洞庭。

巴陵與李十二裴九汎洞庭

楓岸紛紛落葉多。洞庭秋水晚來波。乘興輕舟無近遠。白雲明月弔湘娥。前人謂未

案試思白雲明月仍是。不知何處矣。何嘗翻案耶。

賀知章

回鄉偶書

少小離家老大回。鄉音無改鬢毛摧。兒童相見不相識。笑問客從何處來。原本鬢毛衰。衰八四。

支音司千灰中衰音線
恐是摧字之誤因改正

離別家鄉歲月多，近來人事半銷磨。惟有
門前鏡湖水，春風不改舊時波。

王昌齡 韻標絕句深情幽怨意旨微
茫令人測之無端玩之無盡

謂之唐人
騷語可

聽流人水調子

孤舟微月對楓林，分付鳴箏與客心。顏色
千重萬重雨，斷絃收與淚痕深。

芙蓉樓送辛漸 樓在潤州

寒雨連江夜入吳，平明送客楚山孤。洛陽
親友如相問，一片冰心在玉壺。
言已之不
牽於宦情
也

送狄宗亨

秋在水清山暮蟬，洛陽樹色鳴皋烟。送君
歸去愁不盡，又惜空度涼風天。
生趣

殿前曲

昨夜風開露井桃。來央前殿月輪高。平陽
歌舞新承寵。簾外春寒賜錦袍。只說他人

已之失寵悠然可會此國風之體也

長信秋詞

奉帚平明金殿開。且將團扇共徘徊。玉顏

不及寒鴉色。猶帶昭陽日影來。昭陽宮起

宮在東方寒鴉帶東方日影而來見已之不如鴉也優柔婉麗含蘊無窮使人

一唱而三嘆

真成薄命久尋思。夢見君王覺後疑。火照

西宮知夜飲。分明復道奉恩時。下分明二字寫夢境

徵入

西宮春怨

西宮夜靜百花香。欲卷珠簾春恨長。斜抱

雲和深見月。朦朧樹色隱昭陽。

從軍行四首

烽火城西百尺樓。黃昏獨坐海風秋。更吹

羌笛關山月無那金閨萬里愁萬里之外

能無愁乎

青海長雲暗雪山孤城遙望玉門關黃沙百戰穿金甲不破橫蘭終不還作豪語看亦可然作

歸期無日看倍有意味

秦時明月漢時關萬里長征人未還但使

龍城飛將在不教胡馬度陰山備胡築城起于秦漢

明月屬秦關屬漢互文也師勞力竭而功不成由將非其人之故故

去宣

大漠風塵日色昏紅旗半卷出轅門前軍夜戰洮河北已報生禽吐谷渾

張謂

送人使河源西域傳河有兩源一出葱嶺一出于閘

故人行役向邊州匹馬今朝不少留長路關山何日盡滿堂絲竹為君愁絲竹今以娛清然送人為里之遠則絲竹皆愁音也警絕

人為里之遠則絲竹皆愁音也警絕

張旭 吳州人

山中留客

山光物態弄春暉。莫為輕陰便擬歸。縱使
清明無雨色。入雲深處亦沾衣。

男種松校字

重訂唐詩別裁集卷十九終

重訂唐詩別裁集卷二十

長洲沈德潛歸愚選

李 白

五言絕右丞供奉七言絕龍
標供奉妙絕古今別有天地
○七言絕句以語近情遙含吐不
露為貴只眼前景口頭語而有絃
外音使人神
遠太白有焉

越中懷古

越王勾賤破吳歸。戰士還家盡錦衣。宮女
如花滿春殿。祇今惟有鷓鴣飛。
三句說盛
一句說衰

其格
獨創

送孟浩然之廣陵

故人西辭黃鶴樓，烟花三月下揚州。
孤帆遠影碧空盡，惟見長江天際流。

春夜雜陽間笛

誰家玉笛暗飛聲，散入東風滿洛城。
此夜曲中聞折柳，何人不起故園情。

峩眉山月歌

峩眉山月半輪秋，影入平羌江水流。
夜發青溪向三峽，思君不見下渝州。

半輪亦不復見矣君字即指月

橫江詞

橫江館前津吏迎，向余東指海雲生。
郎今欲渡緣何事，如此風波不可行。

上皇西巡南京歌

上皇歸後以蜀郡為南京

莫道君王行路難，六龍西幸萬人歡。
地轉

錦江成涓水天迴玉壘作長安

劍閣重關蜀壯門上皇歸馬若雲屯少帝

長安開紫極雙懸日月照乾坤二句上皇三句少帝

而以末句總收格法又別

黃鶴樓聞笛

一為遷客去長沙西望長安不見家黃鶴

樓中吹玉笛江城五月落梅花梅花落笛中曲名

下江陵

朝辭白帝彩雲間千里江陵一日還兩岸

猿聲啼不住輕舟已過萬重山寫出瞬息千里若有

神助入猿聲一句文勢不傷于直畫家有景設色每于此處用意

客中作

蘭陵美酒鬱金香玉盤盛來琥珀光但使

主人能醉客不知何處是他鄉強作寬解之詞

舟下荆門

霜落荆門煙樹空布帆無恙挂秋風此行

不為鱸魚膾自愛名山八剡中明明說天下將亂子

身歸隱卻又推開辭說此古人身分不可及處

與賈舍人汎洞庭

洞庭西望楚江分水盡南天不見雲日落
長沙秋色遠不知何處弔湘君

巴陵贈賈舍人

賈生西望憶京華湘浦南遷莫怨嗟聖主
恩深漢文帝憐君不遣到長沙

望天門山

天門中斷楚江開碧水東流向北迴兩岸
青山相對出孤帆一片日邊來

蘇臺覽古

舊苑荒臺楊柳新菱歌清唱不勝春只今
惟有西江月曾照吳王宮裏人

贈汪倫

李白乘舟將欲行忽聞岸上踏歌聲
桃花潭水深千尺不及汪倫送我情

潭水深千尺不及汪倫送我情若說汪倫

潭水千尺便是凡語
妙境只在一轉換間

清平調

天上白賞名花對妃子
用

舊樂宣李白進清平調三章白
帶醉立賦上命樂工逐其声以
媚之清平調庸調平調

本房中樂此合用之也

雲想衣裳花想容春風拂檻露華濃若非

群玉山頭見會向瑤臺月下逢三章合花

風流旖旎絕世丰神或謂首章咏妃
子次章咏花三章合詠殊近孰滯

一枝紅艷露凝香雲雨巫山枉斷腸借問

漢宮誰得似可憐飛燕倚新粧初太真持

葡萄酒笑領歌意後高力士謂飛燕
比擬輕薄太真謔於上因而意之

名花傾國兩相歡常得君王帶笑看解釋

春風無限恨沉香亭北倚闌干本言釋天
子之愁恨

托以春風
措詞微婉

聞王昌齡左遷龍標遙有此寄

楊花落盡子規啼聞道龍標過五溪我寄

愁心與明月隨風直到夜郎西。即將心寄明月流影

人君懷意出以搖曳之筆語意一新

杜甫少陵絕句直抒胸臆自是大家氣度大以為正吉則未也

宋人不善學之往往流於粗率楊庶夫謂學杜須從絕句入真欺人語

贈花卿集註花卿名敬定劍南節度使

錦城絲管日紛紛半入江風半入雲此曲

祇應天上有人間能得幾回聞。揚廌修謂花卿在蜀

借用天子禮樂子美作此諷之而意在言外

書堂欲既夜復邀李尚書下馬月

下賦

湖月林風相與清殘尊下馬復同傾久拚

野鶴如雙鬢遮莫鄰雞下五更。說以便與下句相對

江南逢李龜年

岐王宅裏尋常見崔九堂前幾度聞正是

江南好風景落花時節又逢春。含意未伸有案無斷

嚴武字季鷹挺之子哥舒翰奏充判官累為劍南東川節度使尋遷黃門侍郎復為劍南節度等使遷吏部尚書封鄭國公

軍城早秋

昨夜秋風入漢關。朔雲邊月滿西山。更催飛將追騷虜。莫遣沙場四馬還。英爽與少陵作魯術

孟雲卿

寒食

二月江南花滿枝。他鄉寒食遠堪悲。貧居

往往無烟火。不獨明朝為子推。

劉長卿

送李判官之潤州行營

萬里辭家事。鼓鼙金陵驛。路楚雲西。江春不肯留。行客艸色青青送馬蹄。

重送裴郎中貶吉州

猿啼客散暮江頭。人自傷心水自流。同作逐臣君更遠。青山萬里一孤舟。時文房亦貶為南已

尉吉州去京師更遠於南巴

酬李穆見寄

孤舟相訪至天涯。萬里雲山路更賒。欲掃柴門迎遠客。青苔黃葉滿貧家。劉后村謂魏竺林通能及俱下

七里灘送嚴維

秋江渺渺水空波。越客孤舟欲榜歌。手折衰楊悲老大。故人零落已無多。

錢起

歸雁

作呼起語三四相應
瀟湘何事等閒回。水碧沙明兩岸苔。二十

五弦彈夜月。不勝清怨卻飛來。琴中有好雁操故從

操中落想

暮春歸故山草堂

谷口春殘黃鳥稀。辛夸花盡杏花飛。始憐幽竹山窗下。不改清陰待我歸。

秋夜送趙列歸襄陽

斗酒忘言良夜深夜歸紅萱露滴鶉鷩驚林欲知
別後思今夕漢水東流是寸心

韋應物

登樓寄王卿

踏閣攀林恨不同楚雲滄海思無窮數家
砧杵秋山下一郡荆榛寒雨中

寒食寄諸弟

雨中禁火空齋冷江上流鶯獨坐聽把酒
看花想諸弟杜陵寒食艸青青

休日訪人不遇

九日驅馳一日閒尋君不遇又空還恠來
詩思清人骨門對寒流雪滿山

滁州西澗

獨憐幽草澗邊生上有黃鸝深樹鳴春潮
帶雨晚來急野渡無人舟自橫起二句与
下平无問

下半即景好句元人謂刺君子在下
小人在上此輩難與言詩何良俊曰
大清樓帖中刻有韋公子書澗邊行非
生也尚有非上也其為傳刻之訛無疑
稍勝于生字二字

張朝潤州人

江南行

茨菰葉爛別西灣蓮子花開不見還
不離江上水人傳郎在鳳凰山
總以行踪
無定言在

水在山俱
雜實指

張

繼字懿孫襄州人天監末進
士大歷未授祠部員外郎

楓橋夜泊

月落烏啼霜滿天江楓漁火對愁眠
姑蘇城外寒山寺夜半鐘聲到客船
鐘古荒涼
寥寂可知

閶門即事

耕夫名募逐樓船春艸青青萬頃田
試上吳門窺郡郭清明幾處有新煙

韓翃

送客之鄂州

江口千家帶楚雲。江花亂點雪紛紛。春風落日誰相見。青翰舟中有鄂君。鄂君楚王母弟也見

送人欲總形其孤行之寂

寒食

焄以薄火清明日取榆柳之火賜近臣此唐制也

春城無處不飛花。寒食東風御柳斜。暮漢宮傳蠟燭。輕烟散入五侯家。五侯或指王氏五侯

或指宦官滅梁與之五侯總之先及貴近臣也

少年行

千點斑斕噴玉驄。青絲結尾繡纏鬃。鳴鞭曉出章臺路。葉上春衣楊柳風。

皇甫冉

畚張繼

帳望南徐登北固。迢迢西塞阻東關。落日臨川問音信。寒潮惟帶夕陽還。

送魏十六

秋夜沉沉此送君。陰蟲切切不堪聞。丹舟
明日昆陵道。回首姑蘇是白雲。

司空曙

峽口送友

峽口花飛欲盡春。天涯去住淚沾巾。來時
萬里同為客。今日翻成送故人。客中送客
自難為情

况又萬里之遠耶
况又同為客耶

江村即事

罷釣歸來不繫船。江村月落正堪眠。縱然
一夜風吹去。只在蘆花淺水邊。三四語全
從不繫生
出

于

鵠貞元間詩人隱
居漢陽不出

江南曲

偶向江邊採白蘋。還隨女伴賽江神。衆中
不敢分明語。暗擲金錢卜遠人。

李涉

宿武關

遠別秦城萬里遊，亂山高下入商州。
關門不鎖寒溪水，一夜潺湲送客愁。

李益

七言絕句 中唐以李益子劉賓客為最 音節神韻可追 遂

夜上受降城聞笛

回樂峰前沙似雪，受降城外月如霜。
不知

何處吹蘆管，一夜征人盡望鄉。
絕唱

從軍壯征

天山雪後海風寒，橫笛偏吹行路難。
碛裏征人三十萬，一時回首月中看。

拂雲堆

漢將新從虜地來，旌旗半上拂雲堆。
單于每向沙場獵，南望陰山哭幾回。

春夜聞笛

寒山吹笛喚春歸，遷客相逢淚落衣。洞庭一宿無窮雁，不待天明向北飛。

聽曉角

邊霜昨夜隨開，榆吹角當城。片月孤無限。

塞鴻飛不度，秋風吹入小單于。

樂府唐大角曲有大

單于小單于。塞鴻聞角聲尚不能飛度。况小單曲吹入征人耳乎。與受降城

一首相印

沐河曲

沐水東流無限春，隋家宮闕已成塵。行人莫上長堤望，風起楊花愁殺人。

臨滹沱見蕃使列名

漢南春色到滹沱，邊柳青青塞馬多。萬里江山今不閉，漢家頻許到支和。

上汝州郡樓

黃昏鼓角似邊州，三十年前上此樓。今日山川對垂淚，傷心不獨為悲秋。

竇牟

字貽周扶風人貞元中進士長慶中國子司業

奉城園聞笛

馬燧子暢以宅中大杏餉竇文場文場以

進德宗命中使封杏樹

曾絕朱纓吐錦茵欲披荒草訪遺塵秋風

忽灑西園淚滿日山陽笛裏人傷馬氏以

楚莊王事暢懼進宅改為奉誠園

戴叔倫

湘南即事

盧橘花開楓葉衰出門何處望京師況

年夜東流去不為愁人住少時此留滯楚

朝而欲沅湘東流不為少住亦无物之思也

顧况

宿昭應

武帝祈靈太乙壇新豐樹色遠千官那知

今夜長生殿獨閉空山月影寒刺祈禱之无益也

權德輿

贈天竺靈隱二寺主

石路泉流雨寺分尋常鐘磬隔山聞山僧
半在中峰住共占清猿與白雲

武元衡

題嘉陵驛

悠悠風旆繞山川山驛空濛雨似煙
嘉陵頭已白蜀門西更上青天

韓愈

次潼關先寄張十二閣老

荆山已去華山來日照潼關四扇開
刺史莫辭迎候遠相公新破蔡州迴

以尋常絕句法求之

柳宗元

柳州一月

宦情羈思共悽悽春半如秋意轉迷山城
過雨百花盡榕葉滿庭鶯亂啼

夏晝偶作

南州溽暑醉如酒，隱几熟眠開北牖。日午獨覺無餘聲，山童隔竹敲茶臼。

醉曹侍御過象縣見寄

破額山前碧玉流，騷人遙駐木蘭舟。春風無限蕭湘意，欲採蘋花不自由。

欲採蘋花，相藉尚幸。制不能自由，何以為情乎？言外有欲以忠心獻之於君而未由，意與上蕭蕭林書同意。而詞特微婉。

與浩初上人同看山寄京華親故
海畔尖山似剗鋸，秋來處處割愁腸。若為化得身千億，散作峰頭望故鄉。

劉禹錫

石頭城

山圍故國周遭在，潮打空城寂寞回。淮水東邊舊時月，夜深還過女牆來。

代繁華俱歸烏有，令人於言外思之。吳天謂後之詩人不能復措詞矣。

烏衣巷

朱雀橋邊野草花。烏衣巷口夕陽斜。舊時
王謝堂前燕。飛入尋常百姓家。言王謝家
成名甚耳

用筆巧妙此
唐人三昧也

聽舊宮人穆氏唱歌

曾隨織女渡天河。記得雲間第一歌。休唱

貞元供奉曲。當時朝士已無多。貞元高宗
君于元和

已少其人前人謂
有四方美人之思

與歌者何戡

二十餘年別帝京。重聞天樂不勝情。舊人

惟有。何戡在。更與殷勤唱渭城。王維渭城
詩唐人以此

為送別之曲。夢得重木京師舊人惟一
樂工為唱渭城送別。何以為情也。○當
時斷斷有唱渭城此
只取其三疊之工

楊柳枝詞

煬帝行宮汴水濱。數株殘柳不勝春。晚來
風起花如雪。飛入宮牆不見人。以勝其昔
虞汴河曲

曹詩集言別表卷二十

和令狐相公牡丹

平章宅裏一闌花臨到開時不在家莫道

兩京非遠別春明門外即天涯吳梅村詩

歌胎源於此

張籍

送蜀客

蜀客南行祭碧雞木棉花發錦江西山橋

日晚行人少時有猩猩樹上啼

哭孟寂

曲江院裏題名處十九人中最少年今日

春光君不見杏花零落寺門前高郵典試其年進士

十七人宏詞二人故云十九人

秋思

洛陽城裏見秋風欲作家書意萬重復恐

匆匆說不盡行人臨發又開封亦復人人胸臆語與

馬上相海無紙筆一首同妙

王建

江陵使至汝州

回看巴路在雲間，寒食離家麥熟還。日暮
數峰青似染，商人說是汝州山。

十五夜望月

中庭地白樹棲鴉，冷露無聲濕桂花。今夜
月明人盡望，不知秋思在誰家。
不說明已之感秋微妙

賈島

渡桑乾

客舍并州已十霜，歸心日夜憶咸陽。無端
更渡桑乾水，望并州是故鄉。
謂并州且况咸陽乎仍是思咸陽非不忘并州也王敬美駁謝註甚久

白居易

魏王堤

花寒懶發鳥慵啼，信馬閑行到日西。何處

未春先有思。柳條無力。魏王堤。

邯鄲至夜思親

邯鄲驛裏逢冬至。抱膝燈前影伴身。想得
家中夜深坐。還應說著遠遊人。只得有
一真字

憶江柳

曾栽楊柳江南岸。一別江南兩度春。遙憶
青青江上。不知攀折是何人。

種荔枝

紅顏珍珠誠可愛。白鬚太守亦何痴。十年
結子知誰在。自向庭中種荔枝。甚亦
多情甚

白雲泉

大平山上白雲泉。雲自無心水自閒。何必
奔衝山下去。更添波浪向人間。

趙村杏花

趙村紅杏每年開。十五年中看幾回。七十
三人難再到。今春來是別花來。

元稹

亞枝紅

平陽池上亞枝紅，悵望山郵是事同。還向萬竿深竹裏，一枝渾卧碧流中。

聞樂天左降江州司馬

古人尚右以降為左

殘燈無焰影幢幢，此夕聞君謫九江。垂死病中驚坐起，暗風吹雨入寒窗。樂天云此

開元僕哉

重贈樂天

莫遣鹽瓏唱我詩，我詩多是別君辭。明朝又向江頭別，月落潮平是去時。

李賀

南園

男兒何不帶吳鉤，收取關山五十州。諸君暫上凌烟閣，若箇書生萬戶侯。如文洛公

王文成之論宸濠平八

尋章摘句老雕蟲。曉月當簾挂玉弓。不見
年年遼海上。文章何處哭秋風。

柳淡

征人怨

歲歲金河復玉關。朝朝馬策與刀環。三春
白雪歸青塚。萬里黃河遶黑山。

陳

羽 江東人貞元中進士

吳中覽古

吳王舊國水煙空。香徑無人蘭葉紅。春色
似憐歌舞地。年年先發館娃宮。

呂

溫 字和叔河中人貞元末進士

王叔文引為侍御史元和中
歷刑部郎中坐持宰相李吉甫
貶道州刺史轉衡州卒

劉郎浦口號

吳蜀成婚此水濶。明珠步障屋黃金。誰將
一女輕天下。欲換劉郎鼎峙心。

李德裕

長安秋夜

內官傳詔問戎機。載筆金臺夜始歸。萬戶千門皆寂寂。月中清露點朝衣。

令狐楚

少年行

弓背霞明劍照霜。秋風走馬出咸陽。未收天子河源地。不擬回頭望故鄉。

張仲素

塞下曲

朔雪飄飄開雁門。平沙歷亂轉蓬根。功名耻計擒生數。直斬樓蘭報國恩。

秋夜曲

丁丁漏永夜何長。漫漫輕雲露月光。秋逼暗蟲通夕響。征衣未寄莫飛霜。

秋閨思二首

碧牕斜日藹深暉。愁聽寒螿淚溼衣。夢裏

分明見。開塞不知何路向。金微即王涯所云不省出

門行沙場
知近遠意

秋天一夜靜無雲。斷續鴻聲到曉聞。欲寄
征人問消息。居延城外又移軍。

涼州詞

鳳林關裏水東流。白草黃榆六十秋。邊將
皆承主恩澤。無人解道取涼州。高常侍亦云豈無妾

邊書諸將已承恩高
說得憤此說得婉

施肩吾

望夫詞

手執寒燈向影頻。迴文機上暗生塵。自家
夫婿無消息。却恨橋頭賣卜人。

折楊柳

傷見路傍楊柳春。一枝折盡一重新。今年
還折去年處。不送去年離別人。情思
回折

王涯

塞下曲

年少辭家從冠軍，金鞍寶劍去邀勳。不知馬骨傷寒水，惟見龍城起暮雲。

羊士諤

泰山人貞元中進士元和中以省郎貶資州刺史

臺中寓直覽壁畫山水

蟲思庭莎白露天，微風吹竹曉淒然。今來始悟朝回客，暗寫歸心向石泉。
隨所感觸無非歸興

不必作畫者
果有此心

楊凝

送客入蜀

劍閣遙迢夢想間，行人歸路遠梁山。明朝騎馬搖鞭去，秋雨槐花子午關。

張祐

雨霖鈴

上皇幸蜀棧道中遇雨聞鈴製雨霖鈴曲以授張祜

泊至德中復幸華清後官嬪御無一舊人上於望東樓令徵復奏此曲不覺愴然

兩霖鈴值却歸秦猶是張徽一曲新長說

上皇私決教月明南內更無人情韻雙絕

集靈臺詩却嫌脂粉澹顏色淡掃蛾眉

朝至尊談刺輕薄絕無詩品後人雜入

杜集衆口交贊真不可解○王維之白

眼看他世上人張謂之世人結交須黃

金曹松之一將功成萬骨枯章竭之刻

項原來不讀書此粗詩之派也朱慶餘

之鸚鵡前頭不敢言此纖小詩之派也

李商隱之薛王沉醉壽王醜此輕薄詩

之派也因論張

結詩而及之

鮑溶

贈楊鍊師

道士夜誦藥珠經白鶴下繞香煙聽宦移

經盡人上鶴天風吹入青冥冥

杜牧牧之絕句遠韻遠神然如赤

春深銷二橋近輕薄少年

過華清宮

長安回望繡成堆山頂千門次第開一騎

紅塵妃子笑無人知是荔枝來

重刊唐詩卷之二

登樂遊原

長空澹澹孤鳥沒萬古銷沉向此中看取
漢家何事業五陵無樹起秋風樹起秋風已不堪

回首况於無樹耶

江南春

千里鶯啼綠映紅水村山郭酒旗風南朝
四百八十寺多少樓臺烟雨中

醉後題僧院

鮐船一擢百分空十載青春不負公今日
鬢絲禱榻畔茶煙輕颺落花風

泊秦淮

烟籠寒水月籠沙夜泊秦淮近酒家商女
不知亡國恨隔江猶唱後庭花絕

題苑花夫人廟

細腰宮裏露桃新脈脈無言度幾春至竟
息亡緣底事可憐金谷隣樓人不言而生子此何意

即綠珠之騎樓不可及矣

寄揚州韓綽判官

青山隱隱水迢迢。秋盡江南草未凋。二十四橋明月夜。玉人何處教吹簫。

邊上聞笳

何處吹笳薄暮天。塞垣高鳥沒狼烟。遊人一聽頭堪白。蘇武爭禁十九年。爭禁妙俗本作曾禁

山行

遠上寒山石徑斜。白雲生處有人家。停車坐愛楓林晚。霜葉紅於二月花。

李商隱

義山長于風諭工于徵引唐人中另問一境顧其中訛刺太深往往失之輕薄此俱取其大雅者

夜雨寄北

君問歸期未有期。巴山夜雨漲秋池。何當共剪西窗燭。却話巴山夜雨時。此寄閨中之詩雲問

唐氏謂寄私櫃之人詩中有何私睡意耶

寄令狐郎中

嵩雲秦樹久離居，雙鯉迢迢一紙書。
休問梁園舊賓客，茂陵秋雨病相如。

漢宮詞

青雀西飛竟未回，君王長在集靈臺。
侍臣最有相如渴，不賜金莖露一杯。
言求仙無益也或謂

刺好神仙而疎賢才或謂天子求仙宮
闈必曠故以宮詞名篇以相如比宮女
穿紫可笑

宮妓

珠箔輕明拂五墀，披香新殿鬪腰支。
不須看盡魚龍戲，終遣君王怒偃師。

獻工人名偃師偃師所造能倡者領其
頭則歌合律捧其手則舞進節技將終
斷其目而招主之侍妾王怒欲誅偃師
偃師立剖散倡者以示王肝膽支節等
物皆假也

齊宮詞

殿名蕭衍兵入
永壽兵來夜不扃，金蓮無復印中庭。
梁臺

歌管三更罷。猶自風搖九子鈴。此篇不著

夜半虛前席竟著議
論異體而各極其致

賈生

宣室求賢訪逐臣。賈生才調更無倫。可憐

夜半虛前席。不問蒼生問鬼神。錢牧齋終

賈誼可思流汗媿
陳平全學此種

北齊二首

一笑相傾國便亡。何勞荆棘始堪傷。小憐

玉體橫陳夜。西報周師入晉陽。後主馬叔

巧笑知堪敵萬幾。傾城最在著戎衣。晉陽

已陷。依回顧更請君王。獵一圍。北齊書周

帝獵於三堆晉州告急帝將
反淑妃請更殺一圍從之

舊將軍

雲臺高議正紛紛。誰定當時蕩寇勳。日暮

灞陵原上獵。李將軍是故將軍

常娥

雲母屏風燭影深長河漸落曉星沉常娥
應悔偷靈藥碧海青天夜夜心孤寂之况
以夜夜心

二字盡之士有爭先得路
而自悔者亦作如是觀

温庭筠

贈彈箏人

天寶年中事玉皇曾將新曲教寧王
金殿_{音同}皆零落一曲伊州淚萬行與白頭宮
女說元宗

瑶瑟怨

冰簟銀床夢不成碧天如水夜雲輕雁聲
遠過瀟湘去十二樓中月自明

渭上題

呂公榮達子陵歸萬古烟波繞釣磯橋上
一通名利迹至今江鳥背人飛

許渾

謝亭送別

勞歌一曲解行舟。紅葉青山水急流。日暮酒醒人已遠。滿天風雨下西樓。黯黯然銷魂

學仙

心期仙訣意無窮。采畫雲車起壽宮。聞有三山未知處。茂陵松柏滿西風。

雍陶

和孫明府懷舊山

五柳先生本在山。偶然為客落人間。秋來

見月多歸思。自起開籠放白鵬。

動歸思而放鵬見物

我同情

天津橋春望

津橋春水浸紅霞。煙柳風絲拂岸斜。翠鶯不來金殿閉。宮鶯銜出上陽花。

趙嘏

經汾陽舊宅

門前不改舊山河。破虜曾輕馬伏波。今日

獨經歌舞地古槐疎冷夕陽多見山河如故而恢復

山河者已不堪憑弔矣可感全在起句

陸龜蒙

懷宛陵舊遊

陵陽佳地昔年遊謝朓青山李白樓惟有日斜溪上思酒旗風影落春流佳句詩中畫本

白蓮

素蕊多蒙別艷欺此花端合在瑤池

有恨何人曉月曉風清欲隨時李補之作

鄭谷

淮上與友人別

楊子江頭楊柳春楊花愁殺渡江人數聲風笛離亭晚君向瀟湘我向秦落句不言離情却從

言外領取與韋左司聞雁註同一法也謝茂秦尚不得其旨而紛紛倒其夕安問悠悠流俗

席上贈歌者

花月樓臺近九衢清歌一曲倒金壺坐中
亦有江南客莫向春風唱鷓鴣

杜荀鶴

溪興

山雨溪風卷釣絲瓦鷗蓬底獨斟時醉來
睡著無人喚流下前灘也不知

高駢

步虛詞

清谿道士人不識上天下天鶴一隻洞門
深鎖碧窻寒滴露研朱點周易

羅隱

贈妓雲英

鍾陵醉別十餘春重見雲英掌上身我未
成名君未嫁可能俱是不如人隱下第見
舊妓雲英

英曰羅秀才尚未
晚白因贈以詩

柳

言唐詩易卷之二
灞岸晴來送別頻，
相偎相倚不勝春。
自家飛絮猶無定，
爭把長條綫得人。
自出新意

李洞

山居喜友人見訪

入雲晴斷茯苓還，
日暮逢迎水石間。
看待詩人無別物，
半潭秋水一房山。

繡嶺宮詞

春日足，
春草綠，
野棠開，
盡飄香。

宮前鶴髮翁猶唱開元太平曲

高蟾 字里未詳，乾符中進士

下第後上永崇高侍郎

天上碧桃和露種，
日邊紅杏倚雲栽。
芙蓉生在秋江上，
不向東風怨未開。
存得此心，化悲憤為

和平矣

靈弼 未詳

塞上四時詞

重刊詩集卷之三
春風昨夜到榆關。故國煙花想已殘。少婦不知歸未得。朝朝應上望夫山。
石 人忍已之家亦將化

盧龍塞外艸初肥。鴈乳平蕪曉不飛。鄉國近來音信斷。至今猶自著寒衣。

八月霜飛柳葉黃。蓬根吹斷雁南翔。隴頭流水關山月。泣上龍堆望故鄉。

朔風吹雪透刀瘢。飲馬長城窟更寒。半夜

火未。知有敵。一時齊保賀蘭山。
冰凍恐胡馬踏冰而

來所以急於防守

陳陶
字嵩伯嶺南人隱居洪州

山種柑橙令賣之自給妻子亦知讀書白號三教布衣

隴西行

誓掃匈奴不顧身。五千貂錦喪胡塵。可憐無定河邊骨。猶是春閨夢裏人。
作苦語無過此者然

使王之渙王昌齡為之更有餘韻此時代使然作者亦不知其然而然也

韋莊

古別離

晴煙漠漠柳絲柔。不那離情酒半酣。更把玉鞭雲外指。斷腸春色在江南。

金陵圖

江雨霏霏江草花。六朝如夢鳥空啼。無情最是臺城柳。依舊煙籠十里隄。

唐元謙字茂業并州人咸通中進士

仲山

漢高祖兄劉仲所葬

千載遺蹤寄薜蘿。沛中鄉里舊山河。長陵亦是閑丘壟。異日誰知與仲多。

漢書高祖置酒奉玉

后為太上皇壽曰始大人以臣無賴不能治產業不如仲力今與仲孰多

李

拯字昌時未詳里居咸通中進士累遷考功郎中僖宗召為

翰林學士

退朝望終南山

黃巢亂後車駕還京作

紫宸朝罷綴鸞鸞。丹鳳樓前駐馬看。唯有

終南山色在清明。依舊滿長安。杜老王侯第宅文武

衣冠之感然以茲藉出之得絕句體

杜常字里未詳唐末人已見宋詩中

華清宮

行盡江南數十程。曉風殘月入華清。朝元閣上西風急。都向長楊作雨聲。末二句寫荒涼之狀

不求其解

王駕

社日

鵝湖山下稻梁肥。豚柵雞棲半掩扉。桑柘影斜春社散。家家扶得醉人歸。極村朴中傳出太平

風景

王蘊秀以下閨中及方外無名氏詩

寄姨妹

相國已隨麟閣貴。家風第一右丞詩。笄年解笑鳴機婦。取見蘇秦富貴時。

陳玉蘭

吳人王駕妻

寄外征衣

一作王駕古意詩

夫戍邊關妾在吳西風吹妾妾憂夫一行書寄千行淚寒到君邊衣到無

葛亞兒

懷良人

蓬髮荆釵世所稀布裙猶是嫁時衣胡麻好種無人種正是歸時不見歸以耕鑿望夫之歸

悔教夫婿覓封侯較切較正

劉媛

長門怨

兩滴梧桐秋夜長愁心和雨到昭陽淚痕不學君恩斷拭卻千行更萬行

杜秋娘李錡妾

金縷詞

勸君莫惜金縷衣勸君須惜少年時有花

堪折直源折莫待無花空折枝

武昌妓

續韋蟾句

悲莫悲兮生別離登山臨水送將歸武昌

無限新栽柳不見楊花撲面飛上二句集得下二

句續得

僧法振

送友人之上都

玉帛徵賢楚客稀猿啼相送武陵歸朝頭

望入桃花去一片春帆帶雨飛

樂府辭蓋嘉運進

涼州歌

朔風吹葉雁門秋萬里煙塵昏戍樓征馬

長嘶青海北胡笳夜聽隴山頭

無名氏

雜詩

無定河邊暮笛聲
赫連臺畔旅人情
函關歸路千餘里
一夕秋風白髮生

無名氏

胡笳曲

月明星稀霜滿野
羶車夜宿陰山下
漢家自失李將軍
單于公然來牧馬

無名氏

初渡漢江

襄陽好向峴亭看
人物蕭條屬歲闌
為報習家多置酒
夜來風雪過江寒

重訂唐詩別裁集卷二十終

